


卷
三
七

葉氏
批評

景岳全書

上海廣益書局
印行





加批詳評景岳全書

卷三十七

天集雜證謀

會稽張介賓會卿著

長洲葉桂天士評

古吳江家楨忍庵訂

死生

經義

(一) 壽夭

上古天真論黃帝問於天師曰余聞上古之人春秋皆度百歲而動作不衰今時之人年半百而動作皆衰者時勢異耶人將失之耶岐伯曰上古之人其知道者法於陰陽和於術數飲食有節起居有常不妄作勞故能形與神俱而盡其天年度百歲乃去今時之人不然也以酒為漿以妄為常醉以入房以欲竭其精以耗散其真不知持滿不時御神務快其心逆於生樂起居無節故半百而衰也

陰陽應象大論曰是以聖人為無為之事樂恬淡之能從欲快志於虛無之守故壽命無窮與天地終此聖人之治身也

天年篇帝曰願聞人之始生何氣稟為基何立而為楮何失而死何得而生岐伯曰以母為基以父為楮失神者死得神者生也帝曰人之壽夭各有不同或卒死或久病願聞其道岐伯



南京中医药大学图书馆藏
古吳江家楨忍庵訂